

四庫全書

集部

欽定四庫全書

篁墩文集卷八十四

明 程敏政 撰

詩

己酉六月二日初至南山

是日汪廷器攜酒見慰因題便面

泱泱溪流淺帶村層層山色翠當門水邊林下青莎地
今日重來試履痕

六月涼生白苧袍不知人世畏途勞自驚何福堪消此
一路松風響翠濤

南山雜興

暑雨初晴散髮眠
數聲山犬吠籬邊
農夫乘月來耕地
人影蕭蕭動石田

杖藜貪看野花開
踏盡松陰一徑苔
風外忽聞真管籥
灘聲時雜樹聲來

邵節婦朱氏

半壁寒燈照苦辛
白頭甘作未亡人
幾家文獻存孤子
一脈綱常繫此身
雪後松筠真耐晚
風前桃李漫爭春

登堂細閱丹青卷擊節還思板蕩臣

休寧邵節婦朱氏年二十七而寡能保其孤鷄至於
成人授室而節婦則年六十餘矣鷄奉母訓甚謹力
學好文遇知名士即進謁求益於先世手澤悉購藏
之人以是知邵氏之興未艾而天所以報節婦者有
在也予於鷄有姻戚之雅為賦此詩若上其行于朝
而下旌門之典為世勸有司事也故不贅然節婦之
行豈以是為加損者哉

踏車行

田夫踏車如踏弩田婦踏車心更苦
老天不雨將奈何稻隴看看作焦土
我行見此三嘆息欲助農忙恨無力
假令一早似往年豈獨憂貧復憂賊
我雖七尺金紫身聖恩許作歸耕人
詩書不了糊口計與爾將來同苦辛
擊鼓揚旗禱神福且莫先憂食無粥
賢侯恤民天所憐好雨時來歲還熟

喜雨東張令君

稻隴塵飛早日紅，不堪秋事漸成空。
好風忽送千山雨，戾氣全收百丈虹。
父老歡聲隨地起，令君誠意與天通。
他年欲續循良傳，野史先書第一功。

亞卿知郡，侶公持書具輿馬見招晚行石嶺道
中作

香山中斷路逶迤，秋色偏於客興宜。
紅樹烏犍歸別隴，敗萍花鴨點清池。
鏡中老壯誰相約，林下忙閒我自持。
村巷莫驚連夜發，幾人雞黍是真期。

亞卿知郡侶公提刑判府沈公邀僕與康亞卿

飲席上作

百雉山城兩謫居一尊相屬晚秋餘
侵人白髮憑多少
閱世浮雲自卷舒
林下正容吾輩拙
天涯誰說故人踈
遙聞聖主覃恩詔
擬逐田翁款使車

坦然歌為劉貢士武臣乃尊作

武臣在南京遣人來新安索賦

有儒一翁蒼雪顏
家臨蜀道清溪灣
彭城之系御史子
文采風流高蜀山
青衫奉檄亦漫爾
宦邸一似山居閒

闕

宅心要遣淳風還沒江舍生拯妹溺構堂奉親傷家艱
薛包兄弟讓田宅閱牆終臂慙區寰談經不泥五行傳
解綬才驚雙鬢班賦詩酌酒有餘樂浮雲世態寧相關
尋幽直薄高嶺屹照影下弄清潺湲掀髯自致坦然號
雅意高情那可攀况翁令子已發軔龍車有待歸天間
上繩祖武繼翁志看渠接羽遶萊班亭前翠栢挺奇操
壽徵不老天難慳十洲煙霞渺何許百年歲月勞循環

臨風為賦坦翁曲夢落西南山水間

杭人孫鈍自號一松託人來新安求賦

為愛亭亭翠不羣箇中情事許誰分孤標誓與寒經雪
直幹心期秀入雲清夢往來無爾汝繁華開落任悲欣
因君忽憶南峯下九里風聲滿意聞

八月五日與程思正醉步溪上有作

路分青草曲如蛇五里清浮直更斜晚磬忽從林外出
梵宮應被白雲遮

碧天明月上松梢初結山中冷淡交獨有野僧能愛客
屢將新茗當新醪

斷石村秋社作

秋水崩沙擁斷堤午風吹樹忽聞雞吟身正喜輕如葉
社飲何妨醉似泥菜圃引籬斜作徑菱塘分淥下通溪
呼船直抵澄潭下細掃蒼崖讀舊題

題畫菊壽人母

山中秋已老佳色見亭亭獨歷風霜苦全羞粉黛形松

篁同晚節蒲柳勝先零憑仗幽貞意相看到百齡

八月九日醉書

一樹陰濃橘未黃晚風遙送木犀香畫闌倚遍無人醒
滿地蛩聲月過牆

蟋蟀聲殘夜未央醉憐明月繞虛廊呼童整頓庭前竹
莫共青青蔓草長

書舍深深隔素屏畫圖時上雨苔青年來滯暑無逃處
擬作南山竹下亭

燈下翛然憶故人不知涼夜屢更巡
倚闌欲候南來鴈
紅葉黃花惹恨新

納祿歸來荷主恩看書終日掩柴門
却慚相愛惟明府
能盡山家酒一尊

醉來偏愛塘魚活醒後遙聞壁鼠鳴
只有道人知此意
化機天籟本無情

缺月昏昏過短垣擬扶殘醉卧西軒
明朝再有尋詩約
未許奚奴早扣門

青燈遙映繡窓明
秋雨才收夜氣清
我醉不知詩客散
繞闌偏愛讀書聲

菱角石榴鮮可愛
田雞水蟹味尤佳
笑談初涸沙溪酒
正及黃蜂放晚衙

館閣新銜畎畝情
南來初幸及秋成
彫籠慧鳥知人意
終日能呼萬歲聲

譙樓風報鼓聲初
爛醉猶堪倒一壺
洛黨自憐家學在
款門休恠故人疎

主人隨客共沉酣無限風光入笑談獨喜小童能解事
一聲新調出江南

秋風庭滿送租人今歲遙應我未貧老僕隔牆頻過酒
不知門外有朱輪

山下方塘一鏡開主人高興滿池臺中秋好月重陽菊
問道誰家送酒來

詩興蕭然醉索瓜秋風憐我鬢雙華嬌歌兒女燈前戲
看汝他年夜績麻

坐看涼月下疎櫺有客憑闌醉不勝獨喜小童知句澁
屢將新火為添燈

盆池芳草綠菲菲燈下殘香襲苧衣山漏聲稀夜何許

先生猶未掩書幃

聽西席汪廷貢課
堯子瑄姪讀書

醉貪明月久忘眠紈扇誰題却暑篇手撫畫闌人悄悄
獨餘香鶴在庭前

黠鼠欺人攪夜眠春花秋月滿吟邊歸裝恰有宮衣在
儘與隣家當酒錢

題道新菊圃卷

籬下西風鬪晚妝
閒花寧復見紅黃
青青惟有淇園子
晏歲交情一味長

淳安司訓王君文博來休寧請予記學宮之成
適值中秋方喜對月叙舊而開宴之際涼雨
驟至因賦此以申去往之情時汪世行令君
吳文盛亞參在座詩併及之

對影相期月鑑涼
開軒驚見雨絲長
陰晴半日猶難定

離合一尊那可常候鴈來從黃葉渚秋蟲鳴繞綠莎堂
銀缸烏白餘新燭解與流輝照故鄉

過龍源趙東山先生故居

秋風喬木礪聲長峯麓猶存舊講堂麟史注文高衆子
龍源山色勝吾鄉藤纏廢礎荒陶徑蘚蝕殘碑寄孔牆
珍重遠孫留客意不辭歸路踏斜陽

龍源夜歸

軋軋肩輿半日程晚來溪麓少人行微茫遠樹參差沒

三五寒星點綴明野老壺觴隨處約家人燈火望塵迎
時平山郭無關禁不似通都夜鎖城

題紅梅

杏萼桃嬌入眼空暗香來處曉推蓬丹心久歷冰霜苦
可是春花一例紅

浪淘沙十月十四日病中經宿不寐枕上作

風葉走庭階月上書齋隔牆寒影舞松釵數盡殘更人
不寐無奈幽懷 醺酒斷溪涯題遍蒼崖病來耽悞幾

青鞵不待一分林下福也其時乖

與黃司訓汝彞小酌聯句

麗澤新沾化雨餘黃西齋蒲酒似山居一尊正及吳醅

熟程半席閑分洛社初梅雨未開春信在黃菊花才過

晚香疎論文記取淹留地程此夜真強十載書黃

成化癸卯冬在京師值始生日對雪思梅有花

神應笑未歸人之句今七年矣梅花無恙舊約

未寒漫復成詩以見人生去住之不偶云爾

一樹寒梅半著花七年憔悴隔天涯坐驚仙子忽投壁
似慰主人初到家簌簌暗香侵酒醖盈盈春色動窗紗
却思宦海題詩處幾度狂風捲白沙

壽查以華

查君以華譜出宋孝子龍圖待制公今弘治己酉
壽開七十臘月念三日其誕辰也子婿金世安氏
繪南極老人圖奉以拜慶請予一言予與君同里
嘗愛其謙慎安雅有古吉人之風勉賦此詩用致

壽意

弧南一星光燭空墮地化作龐眉翁靜攜白鶴撫玄鹿
杖舄來自東華東此翁不見幾千載入眼誰諳舊丰采
香風吹上君子堂晏歲忽驚春黻黻君家累葉為清門
孝良不愧龍圖孫年登七十有餘樂紅塵一任驚濤奔
金家郎君美如玉再拜升堂獻新醪綺筵永玉重丹青
歲歲來聽洞仙曲

一冬寒甚梅不時開獨吾家南山一株甚盛志

喜一首

幾處寒梅儘欲死小園一樹獨全開非緣太乙春先到
重是山翁手自我香逐寒風生翠篠影和殘月印蒼苔
青禽莫漫傳消息勾引詩人特地來

慶汪本亨六十壽詞并引

歛之稠里汪君本亨之年六十也凡親疏之族老
壯之友內外之戚稱觴祝壽遠邇畢至蓋有需不
腆之文以致慶者矣在歛之槐塘程氏曰士人福

曰上舍陽皆於汪君有姻戚之雅且謂予族也復以文為需予固辭曰言不可若是其贅也適予有事于郡城兩人者請于途懇于館又使人候于家予不獲已而思之得其說以告曰在詩有之俾爾昌而熾俾爾壽而富黃髮台背壽胥與試所以祝其人亦至矣而又曰俾爾昌而大俾爾耆而艾萬有千歲眉壽無有害其言之諄複不厭其祝之再三不已誠以其人之賢也宜壽故詩人美之不一

而足焉如此則予於汪君之壽雖欲已于言豈可
得乎汪君之賢所以增輝先人垂裕後昆揚芳里
閭者予前已序之雖更僕不出此矣所以壽汪君
者其賓從之都讌集之豐禮意之勤倦亦可謂極
一時之盛矣若然則予於汪君之壽亦何煩于嘒
嘒而後為快哉然先民有云情動于中而形于言
言之不足故詠歌之於是乎諧聲而播之於樂今
去古遠矣大音既散詞曲繼興奏之間巷之間以

為善人吉士之勸則亦有不可盡廢者焉汪君誕辰在九月五日顧已後時三陽漸啓迺抒鄙意為詞一章畀吾兩程君俾稱壽之際付歌童調之以侑觴汪君能樂聽之而罄一日之歡于處仁之堂則兩人者尚齒好德之誠亦庶其少副哉詞曰

稠木陰陰一里春
松喜津津梅喜津津
畫堂開燕慶佳辰
主也精神客也精神
花甲才週第一巡
歲又更新曲又更新
願期遐筭比靈椿
不是堯人誰是堯人

庚戌元日縣中隨例望闕行禮因思舊歲是日
方在清化寺守凍感時撫躬率然賦此

去年借榻眠蕭寺節候驚心感逐臣今歲挈家還故里
溪山容我作閒人夢回桑下餘三宿興到梅邊又一春
鵠立縣衙還自幸得隨簪笏望楓宸

太守侶公召陞大理少卿因次舊韻奉送四章
右鄆侶公與走同舉成化丙戌進士踐揚臺省為
時名卿邇歲以謫來新安其操愈勵威行惠流可

以為吏師為民父母走亦方圖受一廛微餘惠而
公有廷尉之徵刻日就道吾人雖抱遑遑借寇之
心勢不可留也然公入朝所施益大則山鄉下邑
之人藉公之惠益易顧走雖在畎畝寧不為吾君
得賢私慶而加額乎謹用往時對酒詩韻成鄙律
四章附驪歌之末少見區區之萬一云

萬里長安拱帝居徵書來是幾旬餘律回小郡星將換
凍極陰崖日漸舒美政纔應蘇弊瘵高情仍不棄迂疎

民懷敢抵宸思切可得攀留五馬車

紫詔光臨刺史居列城山水及波餘百年公論誰終掩
幾處流人夢亦舒魏闕雲深鵲序近歙州天遠鴈來疎
九重肯慰東南望還共漁樵接鷺車

一日徵還棘寺居到時應及早春餘底須九命論升黜
再發三章究慘舒健鶻臨風寧偃仰老松經雪更扶疎
野人正爾思刑措千載曾叨奉屬車

天上歸來水竹居相留曾接笑談餘萍蹤到我紛初定

柳眼於誰早半舒歧路事爭秋隼疾同年人似曉星疎
山城落日離亭讌潦倒深慚下澤車

築居郡城山麓經始之日正值立春漫賦二絕
卜築山城幾更杜陵今草堂成西隣喜接宮牆近
一酌時分泮水清

荒園擬築見山臺直北牛山紫翠開總說柴門新兆吉
縣侯植鼓送春來

王介翁畫梅為文遠賦

仙子凌波立晚風鉛華消盡玉奩空橫斜瘦影無人見
寫入濺濺石瀨中

瑪瑙坡前夜色涼天風吹徹縞衣香平生自守冰霜節
不共嫦娥鬪曉妝

一分春色望中深點點瑤英綴石林江路雪花空似掌
可能埋沒歲寒心

曉靄輕籠玉雪顏暗香搖動水雲閒依稀認得湖中景
僧舍茶烟午過山

梅竹壽意圖

羅浮仙人冰雪顏渭川君子青琅玕憑誰點染入毫素
緋桃綠李空漫漫曉日高堂奉春酒燒筍簞香祝君壽
願梅結子竹生孫長作山中歲寒友

族姪文杰以此圖求詩壽其外舅吳君夫婦以諸公
多據上方疑不敢請因為之大噓曰予方思隱姓名
與耕夫樵子相結納以避人之虞我况廁諸羣玉之
間乎輒書以塞白如此

一剪梅庚戌元夕飲文遠家

傳柑節候雨初晴燈滿山城月滿山城畫堂圍坐夜三更
更牆外歌聲席上歌聲可人添送紫金盃未解春醒
又犯春醒不辭扶醉卧前楹客也多情主也多情

元夜與文遠聯句

春夜沉沉酒未闌

程

細談心事盡交歡頻添獸炭溫陶

鼎

子

乍結鷗盟愧素餐山色滿樓人借宿

程

詩篇盈紙

客留看燒殘蠟炬毋辭醉

子

才聽東風報履端

程

送前泌陽令丁聲遠自番陽取道新安還遼東
兼致意賀克恭給事同年

忽見遼東丁令威城門握手便相違
孤雲不愛他山好五柳寧關往事非
秋染客邊霜鬢短春回江上綠波肥
舊交零落今誰健賀老平生獨見幾

庚戌正月廿二日偶至率溪書院有作與族姪
文杰曹杰

一堂開近水雲磯四面波光翠作圍
石墨巨魚應識字

入簾幽鳥亦忘機
飲便酒色溥清露
坐愛書聲送落暉
聞說笑萼花更好
秋來相約製荷衣

圍爐聯句

山中初識嶺南風

程

坐客圍爐語笑同

惠

詩酒遞催如

轉轂

劉

驚花重賞恨飄蓬

許

烹調百試誰知味
倫唱和

千回子奏功

程

道阻盤飧鄉物少

惠

也須拚醉博諸公

劉

玉堂學士重斯文

惠

和氣冲融總是春

劉

酒興偏同詩

興遠許交情魚與道情真倫鷗當泮水容新社程詞泣

山靈屬舊人惠今古知音誠罕遇劉不辭車馬踏輕塵

許

窮酸風味餉佳賓劉美酒相傳不厭頻許此日要觀調

鼎手倫向來同是斷齏人程絲綸閣下文章老惠吏隱

亭前歲月新劉景物滿懷吟不盡許好從靈桂採餘辛

倫

斯文今日喜相逢許坐雨談詩閣酒鍾倫眼底好山青

到席

程

吟邊脩竹翠穿墉

惠

天教風雪添吟興

劉花壓

闌干妬醉容

指壁盡而言

許莫使出門還一笑

倫

隔隣黃憲

意方濃

程

片雲將雨急催詩

倫

况值春城欲暮時

程

賓主樂當金

谷罷

惠

兒童休笑玉山欹

劉良朋

滿座真奇遇

許

健筆

凌空總妙詞

倫

聞說西隣仍有約

程

莫教沉醉負佳期

惠

弘治庚戌孟春晦日子與歛訓導南海黃文惠休寧

訓導昆明許璉太平黃倫會於教諭南海劉孟純之
廨舍劉君出邊爐餉客客飲盡歡而黃君復請夜酌
遂得聯句五章如右

飲黃司訓家限韻

停雲常繫故人思今日重逢恨較遲談笑便應忘爾汝
年華何必問千支來當僧舍鐘殘後去及山城漏盡時
細雨青燈釐舍酒眼中無限畫中詩

南山賞梅與劉教諭孟純黃訓導倫暨汪思恭

唐貴汪琳聯句

雪霜頭上著精神黃留待東風伴主人唐香好任教蜂

競入程影清偏稱鶴來親恭有詩有酒成真興劉觀水

觀山勝逸民黃一日春光多歲晚琳向來深愧宦遊身

程

寒梅自古占花魁劉幾處清香在酒盃黃玉朶固知留

餉客唐青皇應亦解憐才程巡簷共索風前笑恭覓句

同扳月下回琳翠鳥近傳消息好劉便須調鼎出三台

黃

江梅開早賞何遲唐隔歲知心此赴期程爛醉花前塵

事少恭狂吟筆底賞音奇黃清香風送來盃面劉雪片

天教落硯池黃自是玉堂風韻好琳更添明月在高枝

唐

春來纔見兩三花恭一夜纍纍照水涯程風動暗香驚

翠羽琳月分清影襲烏紗劉心從造化爐邊見黃色任

離騷譜上誇琳何處吟筒忽相送程閒身欲傍此為家

黃

南山春後雪初晴程人對梅花更有情恭雅會樂為文

字飲琳豪吟偏愛雪霜清劉詩家清景看還別黃樂部

新聲恨可平詹歲歲不辭開賞約程玉壺載酒此同傾

黃

玉樹臨風壓衆芳琳嗅香當酒笑詩狂劉蹉跎終不愧

桃李黃辛苦寧論受雪霜詹夢繞西湖春色在程吟餘

東閣歲華長恭南山高興今猶古劉人世從為點額粧

黃

二月十七日飲水南葉氏晚歸作

偶赴前村約春泥曲巷通食便新筍好飲發舊醅空澹
月穿雲上青山與客東園居知不遠深樹一燈紅

寄壽文炳族姪四小詩并謝醫藥

醫家有道說東垣舉世何人識病原此事從來應屬子
杏林春色滿家園

胗脉已能工太素譚玄尤解守中黃便將花甲從頭數

何必龍宮索異方

林下相隨麋鹿羣一春多病思紛紛
參苓有藥能投我不廢勤耕與售文

綠槐分影到堂東人物猶存相國風
勝日有期開壽燕沙溪春酒一尊同

八月十九日大病不寐

參苓服盡十餘斤猶是維摩病者身
門外生徒勞問卜膝前兒子解憂親
慣看本草都成誦永謝新篋却無神

造物眼寬容許物可於林下不容人

病後二首

布袍寒褪病懔懔入夜無端蚤蟲侵瘦骨元非食肉相
苦來相吮亦何心

淡羹粗飯坐仍眠百疾交攢廢硯田造物似教貧未已
邇來并革舊文錢

篁墩文集卷八十四

欽定四庫全書

集部

篋墩文集卷八十五

六

詳校官編修臣李堯棟

中書臣劉源溥覆勘

總校官進士臣朱鈐

校對官監丞臣張曾炳

膳錄監生臣錢雋選

欽定四庫全書

篁墩文集卷八十五

明 程敏政 撰

詩

抱病經歲不作詩辛亥二月一日登齊雲巖試

筆一首

石洞誰穿薜荔封玄雲宮闕遠聞鐘萬松風奏笙簧雜
疊嶂天開錦繡重久往定應凡骨換偶來忘却病身慵
斜陽更騁東南望正見黃山第一峰

和李太守宗仁二律

奉觀績溪辭神詩及清風亭集歸途綴和二章因
便附上但病來久不作詩詞意萎弱情之所至不
能已耳

宵旰憂勤仰聖躬
栢臺花縣此丹衷
桑村永日催吳繭
棠蔭春風聽郭公
南畝問農溪漲落
後堂延客市塵空
休言一日朱幡貴
四度民情達帝聰

亭上清風酒力微
亭前雨足菜根肥
枳鷺自合歸鵲序

花鳥何能識豸衣忽轉大州承
需渥便從幽谷掃寒威
相期預斲蒼崖石一代龔黃定可幾

贈宋逸清鍊師

坦坦物外士蕭蕭林下人
乾坤兩知己時共一壺春

夢吉字詠

山斗族姪孫有天相者聰敏嗜學為塾師于邑中
求字于予予字之曰夢吉賦二詩以貽之

華袞誰堪一字褒
千年惟仰傅巖高
人生出處從天定

學半工夫莫憚勞

富貴寧論十八公文章何羨筆花紅從來天爵高人爵
看子名香月旦中

四月八日彥夫始生日南山小酌

風逼南薰日漸長祇園嘉會正開祥一尊山館聊相祝
願子名登選佛場

題溪南吳景岑瞻翠卷

三十年前晚翠詩京華無限故園思而今瞻翠開新冊

多病何能續舊詞

故家喬木翠沉沉
占得溪南十畝陰
何日礪觴重話舊
聽君兒子誦新吟

六月八日與李推府南山小酌

返照斜銜月半弓
一襟清暑愛溪風
人行稻隴交加處
山在林塘掩映中
遊興漸開知病減
酒材難致笑詩窮
蓬門花徑淹留地
賴有平生北海公

南山夜坐時堽子初學詩忽請聯句為易數字

成詩

涼月流輝下石門

老人

清溪分淥過山村槐庭小立嫌

蛙鬧

堯子

草徑閒行怯虎蹲病去漸驚詩滿眼

老人

興

來初愛酒盈樽西堂一榻思扇枕

堯子

不用樵青掃竹

根老人

有懷彥夫師魯

新笋已過母時禽多變聲可人期不至明月下前楹

族孫天保德吉名字詩

山斗族孫天保字德吉為里塾師恒思其名稱之
過而不克副也問其說於予予為賦古詩二十句
使知夫德者人所固有不可以其難進而自畫也
三復戩穀詩上想鎬京燕為德徧羣黎盛治不可見云
誰愛茲語我族稱世賢父命期遠大賓字盍勉旃勉旃
亦何如隱顯各致用文武思吉甫孝友企張仲力學返
性善克效孳孳功帝監實伊邇錫福冥冥中珍重過庭
聞河洛有遺矩慎勿慚斯名逢人可為禹

早過車田村

沙岸深穿石徑幽，橘梢藤刺翠相繆。
孤村路出荒垣近，十畝陰蟠古木稠。
樵約半灣松崦脚，水橋遙響竹棚頭。
息肩少狎羣鷗坐，不覺涼生兩袂秋。

對月獨酌

病來無酒興，今夜忽清狂。
却暑風何快，行空月正涼。
雞栖藏樹穩，蟲響出莎長。
未覺吟身倦，呼奴更一觴。

績溪許生永感卷和康亞卿李太守韻二絕

舊田新穀屢經秋，密綫輕芒跡尚留。
三尺壠頭鳴咽水，潺潺流恨幾時休。

日誦遺書立孔牆，蓼莪詩訓可曾忘。
顯揚有業君能盡，會見荒墳草亦香。

和許侍御李節推登九華山詩韻二首

遙揖山靈感物華，翠微深處欲移家。
千峯列戟疑無地，一澗浮春忽有花。
世外丹青開棟宇，空中雞犬隔烟霞。
歸裝尚索宮衣在，村釀猶堪幾度賒。

細從雲外數奇峯九朵芙蓉翠萬重月上老猿攀石葛
雨晴馴鹿卧沙茸謫仙詩重天池錦霸相身慚雪磧松
玉洞秘函無恙否他時容啟綠苔封

霸相猶宋齊丘言

懷鳳堂

綿竹縣尹汪君經出唐越國公之裔世居邑之鳳
湖街其地有鳳山相傳鳳鳴其上故君以懷鳳名
其堂焉

鳳山山下鳳湖潄扁揭高堂見古心九奏簫韶音律遠

百年梧竹慶源深
越公舊烈遺青史
單父閒情亦素琴
勝地炳靈應有待
雲霄他日看祥禽

約友人遊松蘿山

松蘿山色望中青
雲裏炊煙鳥外亭
勝日與君先訂約
澗觴同泛水泠泠

庭萱教曾姪聯句

八尺庭除手種萱

萱墩

一叢開處壓名園
露含鵲觜蜂

才入曾風撚龍鬚
蝶更翻傍映蜀葵
堪作友萱墩上依

慈竹賸添孫編籬汲水頻加護曾留取年年茁舊根
篁墩

促張令君所許麻油菜豆

清油已盡調硃色菜豆頻思却暑湯日日買薪還汲井
令君嘉意可能忘

于千戶母夫人哀輓

萬石家成老未慵忽驚霜碣仆高松閭儀可但蘋蘩託
庭訓無忘俎豆容夢落海東陪鶴馭恩從天上得鸞封

賢郎杖淚書遺德留向他年說女宗

六月十八日忠孝鄉保安醮事請予充首

一片琅璈度曲新社中香火會比隣幡幢四繞星壇靜
劍佩遙瞻帝座真初向玉清充弟子會從金馬作仙人
踰年病起驚仍健福酒還看酌數巡

立秋前五日南山晚歸涉溪作

草岸涼風透葛衣涉溪標淺傍魚磯霞明遠襯青山出
月上時驚白鷺飛村女井邊提甕汲農人谷口荷鋤歸

山家屈指秋將近不道炎官不解圍

與黃司訓汝彞食菱聯句

偶然來食泮池菱

笠歌

要識胸中一味水頭角崢嶸驚

老眼

倫

子孫清白愛風稜登盤不受污泥染

笠歌

出水

偏於造化憎詩詠誰能立成調

倫

昔年供奉愧吾曾

笠

歌

和李太守憫雨詩十絕

手指庭柯綠未乾心懸民瘼古來難一時憫雨傳新詠

肉食何人恥宴安

整屈淵龍起怒雷三農憂色未全開休言小雨微霑足
原自賢侯一念來

祝告頻繁只自尤精誠何待舞雩求心期挽得銀河水
一洗窮簷萬斛愁

齋心露禱倏經旬一撫焦枯一愴神聞說道中停轡日
屢將甘苦問疲民

雲上東山雨脚生耳邊長誤認溪聲誰言逐客渾閒事

一種難忘畎畝情

辦香我欲叩蒼天處處民憂亦可憐古歛未應愁地圻

三吳無計補天穿

時蘇松大水故云

十詩愁絕寄情深字字分明道苦心薄稅輕徭眼前事
擬將方寸作甘霖

東阡南陌語叮嚀早魃何能抵福星枯槁半回仍大慰
秋禾連畝翠亭亭

吟筒來自雨師壇十里澄溪路淼漫一為田翁傳好語

郡侯清德似劉寬

眼中珠玉未為多
奈此憂民遣興何
願得天瓢一傾瀉
筆端風雨共霏霏

辛亥秋社作

一叢茅屋枕潺湲
簫鼓喧闐綠樹間
田社又叨三度飲
鬢絲新入幾莖斑
橫秋鴈陣來何許
破午雞聲出近山
解綬正堪同擊壤
不妨身載夕陽還

送徐中行進士

抱病經年客過稀閒階重疊上苔衣何緣天上青雲士
來扣林間白石扉山犬失驚遙吠影沙鷗才狎便忘機
相逢未煖詩壇約迢遞寒江一櫂歸

中行進士之省族長洲也自南山取道訪于新安山
中空谷足音方以自喜而又不能不惜其去之亟也
病後久不作韻語然於中行之行烏能噤不一語以
道離合之意耶弘治辛亥秋八月一日留煖道人程
敏政書于水南山房

斷石聯句

瘦石初來斷石遊

篁墩

須容吾輩共仙舟

廷曙

詩懷浩

蕩天留景

汝彝

酒令循環客算籌

宗器

絕壁雨餘蒼蘚

合文耀

澄潭風定碧波收

時清

眼前無限登臨興

汝器

十幅歸帆已掛秋

篁墩

弘治辛亥秋八月瘦石徐進士中行來訪篁墩程學

士於休寧六日告別學士與教諭沈文耀訓導許宗

器黃汝彝貢士鄭時清張廷曙同餞于縣西落石臺

時張令君將以侍御赴召在座因聯句一首少見別
意

分得石人峯送徐中行進士

幾年溪上寄行蹤
天與圖形水墨濃
面冷任教山鳥怪
衣單聊藉石苔封
斷崖名刻摧秋雨
隔岸村居對夕舂
攬勝有人頻駐目
恨無佳句抗塵容

題范良璧贊畫說劍餘情卷

橫梁賦詩騷將喜
賦詩退虜老兵嗔
不知閱武場中士

說劍餘情得幾人

陣法休嗤次律房茂材曾舉郭汾陽世間名實真須副
展卷令人憶范郎

中行既別以書來云良璧贊畫堅請說劍餘情詩病
夫退士忽得此壯觀題目浩然增氣然才思衰減雖
作亦竟不能奇也弘治辛亥中秋前四日書

夜讀定山與汪循貢士詩有感二絕

晦翁心學在真知知到真時聖可基數墨尋行却徒爾

天人相去只毫釐

平生老友定山君主靜工夫久不羣正義中仁有分別
可將經傳作云云

九月五日重至萬山觀觀主宗貴兄留宿東明
樓上

不到琳宮已十年小樓吟榻尚依然雲拖山色橫窓下
風送溪聲落枕邊何處有方堪却老秋來多病不成眠
眼中幸對純陽子手撥壺薰講洞玄

九日將遊古巖寺道中作方君時勉汪君巖夫

偕行

冷水舖南風葉翻遙穿一徑似桃源
滿前無暇酬天趣箇裏那能著市喧
萬疊峯巒真入畫數家雞犬自成村
古巖一到心方愜遮莫山童不奈煩

留題古巖寺時汪州守時夫汪進士仲和及二
方生經綸兩次候予不至先歸

十里虹巖走復馴阿誰知是卧龍身
千年木佛聊同住

五月雷師莫漫噴聖水井頭消醉渴妙峯亭上振衣塵
相期兩度隨遊券却恐山靈笑俗人

次周太守石上舊韻

賞緣三日訂酒禁一朝寬
蘚蝕銘文瘦山留菊意寒
古泉深注碧斜日半流丹
更踏金螯背危亭獨凭闌

瑩姬於書室中釀酒一缸予山行歸見大喜以
詩求酌不與

曉來閒步入山房似有新醅隔院香
稍學秋蛩吟几席

忽驚春漏落糟床急呼東道君難免笑對西風喜欲狂
德曜有言寧為子一尊方擬壽高堂

海陽周司訓教政遺思卷

緬懷三代士學以濟物成惓惓致澤心豈在口耳精聖
涯去已遠隨世圖功名不有奎聚賢斯道孰主盟天命
凜攸畏人窮亦堪矜體用收一原庶無忝所生我從歸
田來間入新安城過從得周君嶺海人中英尚友古賢
豪不與流俗爭鬻宮受規約一一知躬行文章謝葩藻

材器多恢宏有時奉檄往署事花封廳一揮舉錯間居
然得民情刻覈我何有迂濶勞譏評屈指九寒暑松檜
無渝青孤舟載行李夾路聞歌聲惟時秋雨霽祖道開
江亭屏山翠可殮練水濯髮明一盃屬君飲及此天衢
亨達道須壯年日月無留停丈夫志有在豈為春花榮
蹇予洛黨裔斃斃抱遺經況生紫陽里半世慚幽貞習
魔固有種放罪容歸耕所願天子聖衆彥登王庭君行
倘有合鳳鳥一日鳴治教炳前烈周道無敬傾吾黨重

遺思遠大茲發萌睽違意難極斜陽下林垌

海陽周先生司訓歛學九年中嘗一署知縣事誘掖之功子惠之政直欲盡其所當為者而後已故其書滿也歛人士念之不忍釋乃形諸詠歌為政教遺思之卷以相貽蓋先生篤于為已學有本原故雖小試一邑而大有所樹立如此予每過歛辱相還往屬以廢斥多病之餘莫能盡叩所聞為憾爰賦古詩二十四韻附卷中以致區區然竊聞之道不遠人理不外

事政教之說顧豈可以差殊觀哉若周先生則知此
矣

雪篷為大畷汪君賦

歲寒晚江一棹橫船窓虛白映沙明坐驚簌簌清人骨
醉愛紛紛打竹聲湖上更尋疎暗句山陰誰識去來情
短蓑巨笠吾能辨他日容分冷淡盟

充山圖壽汪令君

充山當戶翠亭亭解印歸來七十齡願子長為林壑主

一尊同閱衛生經

致政汪令君世行年開七袞親邨畢賀其內之姪率
口程生祖瑗繪堯山圖致壽意請予題以相之予於
世行交契厚且祖瑗予族孫也故喜為之執筆

黃司訓欲到荒園賞菊用韻奉期

黃花香入綠醅新也有飄蕭漉酒巾只恐向來歸計拙
花神能笑把盃人

原上秋晴天日開可人須共菊花盃丹楓翠竹清溪岸

遲子長歌緩轡來

賞菊得裏字

落木號空山幽花照墟里有客踏秋來對酒胡不喜正
色臨前軒寒香撲書几醉眼一摩挲何如畫圖裏

賞菊與黃倫司訓張旭貢士吳顯儒士聯句

生向東籬耐得秋

倫

乾坤高致此為優

旭

芳叢挹露春

常在

顯

冷艷欺霜老未休

程

吟對清樽聊一笑

倫

幸逢

佳景獲重遊

旭

看花琢句情何極

顯

佳客還須儘日留

程

二

無限秋光入小園

旭

主人邀客倒清樽

顯

高堂詩品饒

佳色

程醉吸河流是雅言

倫

風月也知人意好

旭

山林

能避世情喧

顯

繞叢三嗅成新約

程

徑有青松可共存

倫

三

名園霜後數枝新

顯

觴詠還勞我輩人

程

向晚自憐秋

有景

倫

狂吟誰識句驚神

旭

盃深綠醕和香飲

顯

枝重

金盤帶露陳

程

踏月看花能幾許

倫

肯容桃李浪爭春

旭

四

老圃秋容亦自奇

程

晚香和露綴幽枝

倫

也知天地留

生意

旭

故向冰霜挺素姿

顯

醉覺南山橫眼底

程

吟瞻

北斗出天涯

倫

淵明更有來朝約

旭

杖履追陪敢後期

顯

東平晚眺

曠目秋無際佳晴夜有霜
花寒明廢隴葉落蔽橫塘
朔氣山容瘦斜暉屋影長
一繩真畫本峯麓下牛羊

南山十二詠集古

南山平

南山者先公劔佩所藏道家以太霄真書稱仙去者葬山平之上宋史謂

吳玠破敵殺金平蓋峻山頂夷者謂之平

陌上行人看石麟

劉禹錫

三朝出入紫微臣

張籍

桃花塢

接啼猿寺

趙嘏

直到南山不屬人

韓退之

榆莊聚

先公晚自號榆莊聚者村落名漢書程氏世居河南上程聚周公所居亦

稱陽人聚

惡狐聚

隔林遙見起人煙

劉長卿

林畔鶯聲似管絃

張泌

何處貌

將歸畫府

譚用之

杏花榆莢曉風前

竇常

車田坳

車田村在南山之東北莊子有坳堂杜詩有塘坳坳韻書與凹通蓋山林

靜虛之處

山屐經過滿徑蹤

薛逢

不堪吟罷夕陽鐘

韋莊 白沙翠

竹江村路

杜子美

雲碓無人水自舂

白樂天

漁村步

漁頭村在南山之北吳人呼水際為步柳子有鐵爐步地志有瓜步蓋步

埠古
字通

短牆荒圃四無隣

唐彦謙

水綠天青不起塵

李太白

何處漁

樵將遠餉

李郢

野航恰受兩三人

杜子美

陳公渴

陳公渴在南山之西江南通水極旱者謂之渴字從土見鄭注水經然柳

子有袁家渴云楚越間謂水之反流者為渴音若衣褐之褐字從水

雨濕菰蒲斜日明

李郢

交交夏夏水禽聲

李山甫

幽居地

僻經過少

杜子美

野渡無人舟自橫

韋應物

見山坨

南山之東有高原上可見萬安街古城巖韻書坨丘名又作墮輞川有南

坨北坨

力上東原欲試耕

司空圖

遠山如畫翠眉橫

韋莊

川原繚

繞浮雲外

盧綸

野店高低帶古城

許渾

水南養

水南村在南山之南陸龜蒙樵子詩云生自蒼崖邊能諳白雲養注云養

讀去聲山家謂養柴地為養

籜冠新帶步池塘

司空圖

二頃湖田一半荒
許渾忽到龐

公棲隱處

孟浩然

柴門臨水稻花香

許渾

半莊坂

半莊山在南山之東南韻書山骨為坂亦作阪朱子云新安人誤呼坂為

富若今遐富澤富隆富大富營之類皆當更坂為是

清江一曲抱村流

杜子美

水物輕明澹似秋

皮日村徑遠

山松葉暗

許渾

人家多住竹棚頭

張籍

華果柴

華果園在南山之西北莊子有柴柵柴讀去聲輞川有鹿柴木蘭柴蓋居

之有藩落者後世轉為寨

傍巖依樹結簷楹

吳融

五月榴花照眼明

韓退之

地僻尋

常來客少

張籍

偶逢樵者問山名

盧綸

眠弓汧

南山前有土阜田水灣環堪與家謂之眠弓岸韻書水涯曰汧與津通輒

川有菜

芡汧

西巖一徑不通樵

許渾

扶病呼兒斫翠苔

陸龜

一水暗

回閒繞澗

宋龜

霏霏拂拂又迢迢

吳融

楊林干

楊林原在南山之西南韻書水旁曰干古詩亦多稱江干

偶因行樂到村前

陸龜

地濕莎青雨後天

薛能

日暮長

堤更回首

許渾

綠楊花撲一溪煙

張泌

墓祠寮

南山麓在水南村之北先祠在焉韻書寮從穴從寮後世僧舍稱寮黃山

谷有稿木寮楊
鐵崖有七者寮

杖藜巾褐稱閒情

李後主

客至從嗔不出迎

杜子美

金磬冷

冷水南寺

李郢

願為閒客此間行

杜牧之

寄題少華山

歛人黃文敬自德興來手少華山錄一編云是山
主王永禩所寄者發卷視之乃知天地間有此奇
觀恨病夫退士不得一往遊之為快也先賦律詩
二十八句奉寄用訂山中之盟豈可謂塵踪凡骨

不可以踐福地而拒之也耶

山房一日啓雲緘此地分明隔聖凡
玄石似當天狗墮
玉峯元出鬼工剜珠簾直下千尋瀑
翠錦齊張九疊巖
砂拂澗毛紅簌簌露垂仙掌碧峴峴
橋橫羽蓋留真蹟
室貯丹經鎖秘函蜃氣半空浮殿閣
鑾聲終夕度英咸
十洲暖霧薰瑤草萬壑天風響雪杉
封禪可無羣后集
往來疑有百靈監蛟龍在下今猶蟄
蘿萑盤空古未芟
攬勝誰飛王令鳥憑高時見浙江帆
微生愧乏神仙骨

邇歲容拋學士銜林下每回思却老人間何許更憂讒
吟筇漫踏新芒屨野服仍裁短葛衫幽谷紫芝應最盛
便期明日荷長鑱

十一月偶至南山黃落頗甚夜宿聞雨作

清溪淺可涉朔氣動原野數日與山別殘菊不盈把多
病恒鮮歡新筇謝盃葦夜寒夢屢續涼雨忽鳴瓦俯仰
天地中流光疾于馬紛紛歲將晏稍幸世緣寡上想雲
谷仙幽懷浩難瀉

蘆塘山莊今歲始一克到其境實清遠為留竟
日忘返他日畧加脩闢可以佚老因賦一詩
隔塢嵐深路欲迷石田遙帶白沙溪臨塘便擬觀瀾閣
遶舍仍添種藥畦此地居然堪佚老幾年空爾擇幽棲
寒梅一樹柴門下直與盤桓到日西

楊村道中

幾處炊煙認水村數聲山犬吠籬門寒天日落明鴉背
荒歲田空剩草根垂澗石如牛馬飲排雲山似節旄屯

眼中無限詩情在欲對沙鷗了一尊

題為師魯姪所作梅竹圖

皎皎氷肌瘦脩脩鳳尾清衆芳搖落後同保歲寒盟

望墩文集卷八十五

欽定四庫全書

篁墩文集卷八十六

明 程敏政 撰

詩

長至前二日聞李錦衣士敬自南陽掃墓取道
訪予新安奉迓楊山寺是日相傳皇子誕生
有赦將到

九地一陽今漸回道傍山寺獨徘徊
拾薪煮茗消餘日
刻竹題詩試老才
黃紙正懸天下望
錦衣遙為故人來

金華先生集卷之六
名公十六
一時歡動滄洲客，潦倒江亭白酒盃。

十一月十四日飲流塘詹存中家晚歸時李錦
衣士敬公便過縣同行

五里青山下夕暉，一林松影罨宮衣。
主人遠送到溪返，衆客相隨乘月歸。
詩壘笑予非巨敵，酒兵須子突重圍。
他時莫忘漁樵會，南國西風候鴈飛。

下紋溪過渡調士敬

肩輿出山星已繁，寒月墮影金波翻。
鐘聲杳杳寺門遠，

燈火渡頭人語喧淺灘閣舟弄水戲曲塢問路隨鄉言
人生此樂亦不易風景何如君故園

送周長嵩

書院當時借榻眠壯遊曾賦宛陵篇因君忽記乘輶日
來往悠悠十四年

寧國周長嵩氏來休寧請予文其歸也求一言之贈
因記成化戊戌歲奉詔乘傳還鄉過宣城于宛陵書
院一宿話舊之餘草草賦此

題李錦衣士敬寫真

七尺堂堂美丈夫幾年官拜執金吾
藍田價重連城壁丹穴文成五色雛
翰苑八磚同瀑值天山三箭待彎弧
等閒莫負封侯相看續麒麟閣上圖

弘治辛亥歲仲冬念五日在萬山觀作

城頭霧歛青天開平地忽見雙蓬萊
捲簾下瞰白雲起拂手近招黃鵠回
一龍擎石樹根古萬弩射潮風壑哀
鍊師縱爾能謝客客我到城須一來

題宗貴道紀族兄清忠世家卷

相國家聲重歛城耳孫遺跡半蓬瀛
猶餘一紙奎文在
夜夜虹光燭太清

書二張真人詩文後

西壁澹然俱已矣詞章儘可入吾曹
挑燈夜讀不成寢
寒水一谿霜月高

飲樂山閣留別張慎隱君

偶憑高閣寄閒情白鳥寒空野望平
三徑疊雲通後塢

一峯飛翠落前楹樵人向晚長過嶺地主經旬不到城
與客醉來仍借宿夜談重理舊詩盟

送李錦衣士敬

骨肉情深近所無野人爭看執金吾如君亦是簪纓胄
白髮蒼顏愧老夫

太師新廟萬人看庭下雙松翠色寒台輔幾人應祀法
休休心事古今難

偽學鄉人洛黨孫正宜耕釣水雲村詩書久廢仍多病

只禱豐年答至尊

一尊何許慰離顏
寒日江亭送北還
草草短篇君莫怪
頗愁貽累到溪山

李錦衣士敬奉詔歸拜先太師文達公祠墓于鄧州
取道新安過訪山中賦七言四絕以贈短章寂寥不
足言詩少見至親繾綣不能自己之意云爾

十一月廿七日送士敬至浦口別後賦此

一尊傾盡下江樓
帶郭晴嵐午未收
樹杪天長圍石嶺

竹根溪淺露沙洲
隔林煙火三家市
下水風帆一葉舟
相送遠遊驚歲晚
不禁離思逐東流

和提學王侍御明仲遊茅山詩韻

翠壁分明鬼斧裁
藍宮亦自化城來
寰中雨罷龍歸穴
海上風生鶴唳臺
葛令丹壚今寂寞
陶君仙骨此胚胎
病來欲作尋真客
三洞閒披鳥篆猜

和吊梅宛陵詩韻

詩壘猶傳草木馨
煙雲長鎖舊池亭
魂遊宛下空秋月

客散河陽幾曙星
崑體戰降孤幟赤
都官名重一衫青
晚生欲附宣州派
慚愧牛轅逐鳳輶

十二月三日早下紋溪待渡不至步過橋行南

山中

欲濟長川乏葦航
屐痕初試板橋霜
舉頭日馭回南陸
縮手寒威似北方
斜壓石梁松骨瘦
細攢沙隴麥芽長
十年再走朱村道
消得浮生幾度忙

過會里遐富渡宗孫希周來迎

借得樵夫杓中流一棹開嵐消還往苒溪淺亦縈迴困
欲憑鳥几寒思問綠醅阿咸真外我猶道玉堂來

家畜一犬甚馴每出入必隨至山斗宗姪希達

家戲作

掉尾長隨竹轎行深山窮谷了無驚似知騶從都星散
終日栖栖管送迎

四日大雪過新嶺時山斗夢吉姪孫侍行

老天開異境瓊島落塵寰鳥沒黃雲外人行玉樹間石

陁翻齒齒水溜激潺潺賸得新詩料竒觀慰往還

下扶車嶺山行飯三寶寺

複道蛇盤百丈岑石間流水亂鳴琴僕夫戒險時相告
學士逢竒只自吟溪雪礪風清病骨野猿山鳥絕機心
嶺南古寺今重到一飯匆匆及歲陰

成化壬寅冒雪至大畈今茲之來雪有加而興
不孤夜談及山陰故事因賦此贈諸眷長

平生頗怪山陰客中道何緣興便灰可為倡酬慳酒量

還因嘲詠乏詩才一時猿鶴勞相迓
百里溪山笑獨回
我病雖衰心却健冒寒今是兩番來

五日宿浯村明日飲大畝

畝上重來有所思水風山雪似當時
壺觴夜話春坊宅
香火晨瞻御史祠魚出小塘供饌屢
雞鳴深巷報炊遲
病慙兩日淹留地才薄難勝畫裏詩

贈文公八世孫上舍楨特授婺源訓導

博士承恩領故鄉自應徽國慶源長
黌宮百世詩書富

闕里三時俎豆香社下廩人來繼粟門前童子候升堂
知君不負維桑託霄漢巍巍見紫陽

七日與浯村大畈諸眷家別

親戚情深別醞濃藍輿搖兀兩三峯酒醒已過扶車嶺
猶問前山第幾重

塔坑鋪

一村雞犬塔坑前老我山行暫息肩路轉嶺陰殘雪在
峯迴林杪夕陽偏渡驚削木通危徑盡愛機槽響暗泉

曠目此回真得意數聲寒鵲遶吟邊

重拜山斗世忠廟

先祠高占水雲村十載重來叩廟門一抹凍嵐消木杪
半規寒日下松根情深暖族新盃面手拂題名舊墨痕
俎豆巍巍風烈在濟時才劣媿聞孫

八日遊雙門寺入山觀石門及龍潭愛其奇勝
賦短歌以畀寺僧時山斗汝耆文真夢吉德
吉守道諸宗彥偕行

詩翁遠愛山峭拔興奇不憂霜逕滑
搯溪獨木掉手過
勢落顛厓幾七八翩然直到石門下
鬼斧劈山如劈瓦
中分一道白虹來直薄巉岩速於馬
岩口潭深杳難測
下有千年伏龍宅自今泉石吾可專
世外何人空物色
山僧導前野老後寒日四山風木吼
振衣長嘯匝溪行
遙揖山靈盡三斗

過五城懷黃世瑞亡友

落日五城道懷人思不禁
村醪澆恨短鄰笛寄愁深
好

古韓公辨憂時賈傳心百年公論在吾道未消沈

施秋官彥器公務至休寧汝彞黃司訓過予請
同登齊雲岩中道值雨少飲陽山寺作時立
春前五日

冒雨追隨出郭人蕭蕭寒吹逼車裯喜看赤地塵埃淨
轉覺青山面目真多病此時心便足奇觀三匝句方新
廣文須辨重來約五日東風又報春

限韻一首

路轉東溪雨脚催行窩聊駐白雲隈機春堰水翻晴雪
梵起潮音激暗雷遙看省郎雙節過暫為山主一尊陪
詩成却恐陰何笑撥盡紛紛石鼎灰

庭梅盛開與施秋官黃司訓聯句三首

先春元是百花魁

樂

歷盡冰霜暖自回

倫

冷艷不虞蜂

見妬

政

清標應許鶴相陪

樂

心中夙負調羹具

倫

眼底

終慙作賦才

政

願與松筠結三友

樂

羅浮山月待重來

倫

幾年京國夢梅花

倫

香影真宜退士家

政

興動巡簷頻

索笑

樂

吟成煮雪一烹茶

倫

向來紅紫渾無賴

政

此去

孤高詎有涯

樂

頗覺逋仙心太苦

倫

相看贏得鬢雙華

政

一日花神遇賞音

政

歲寒於此見天心

樂

閣盃且論閒

邊易

倫

對雪誰聲譜外琴

政

佳實終為商鼎用

樂

暗香

不許漢宮吟

倫

山堂從爾增高價

政

杜老何須策蹇尋

樂

冬夜燒筍供茶教子弟聯句

坐擁寒爐夜氣清

篁墩

烹茶燒筍散閒情

敏亭

品從雀

舌分佳味

璵

價許龍孫得貴名

璵

七碗喜催詩興疎

璵

百壺真謝酒權輕

璵

疎窓已上梅花月

敏亭

更取瑤琴

鼓再行

篁墩

壬子元旦試筆四首

春到山城曉色鮮
放臣贏得病軀全
金田廬拙似安巢鳥
歲月忙于下水船
爆竹已驚殘臘盡
屠蘇猶在幾人前

天公一霽開佳兆稍卜豐年勝去年

右喜晴

漸及知非感二毛履端佳慶徧江皋
八方共喜前星耀萬里遙瞻北斗高
蜜甕釀春先試醉短衣鋤月敢辭勞
餘生已負酬恩地慙愧君王舊賜袍
右縣中隨班行禮眼見增崇企德祠
重來不覺鬢成絲陽和一轉當今日
文運中興仰盛時誰起鄒郎新換律
我慙洛黨舊分支寒堦草色無人會
佇立東風有所思

右拜兩夫子祠

童穉歡迎伯仲陪沿城一餉可週回到門不用投新刺

暖歲翻勞潑凍醅
日落鼓聲還雜遝
雨晴山色轉崔嵬
春來第一詩成處
野老庭中得甕梅

右答慶禮晚歸飲
方盛氏觀盆梅

李太守誕日

恭審太守濟南李公名重專城年開五袞春回人
日正當華誕之期星麗神霄顯示遐齡之兆歡騰
闔郡慶本高閎矧是陳人每承優遇遙瞻壽域豈
無下里之詞遠藉詩郵共上南山之祝佇期英晤
幸鑒芹忱

五十年光刺史身却當人日慶生申松筠飽歷冰霜久
金紫霑榮雨露頻曲度鸞笙隨律轉酒開銀甕潑醅新
憑將方寸長生地散作山城一路春

春社謠

我家社公耕鑿主求晴得晴雨得雨今春作社神更歡
值我一年新病愈牆下小桃紅滿枝塘東弱柳垂金絲
社飯炊香出茅屋臘酒一傾連數卮土鼓逢逢過林際
醉挿山花共神戲隔隣雞犬喜欲狂接席兒童相笑詈

滿爇爐香焚紙錢
大家再拜祈豐年
放臣敢道金馬客
明日扶犁同下田

和答莊定山年兄

江外千峯劇九疑
夢回真見定山時
翠交草色春常在
活遍魚苗水不知
素履只安持敬法
丹心都入願豐詩
停雲極目溪亭上
小圃羣芳正陸離

壽榆村宗人宗本

青山如畫酒如泉
高會分明十載前
錦軸為君題壽句

便驚春色滿榆川

豐城涂處士夫婦哀輓

長子壽旌孝行
次子疇為御史

百世家聲出豫章
縈垣喬木幾斜陽
豸冠重寫丰神偉
蠹簡猶存手澤香
些曲漫成萬里怨
吟筇閒倚菊籬荒
季方風節元方孝
身後誰能有二郎

母儀真足重臺端
聯德應無愧伯鸞
白日雨寒神劍合
華堂春暖壽卮殘
夢陪鶴馭身難返
恩寵龍章姓不刊
塚上誰題慈孝碣
淳風留與後人看

孝子病沒其母驚
悸亦卒故詩及之

約汪仲溫過南山

春遶南山花正開
一尊專待可人來
不辭共作尋芳客
預遣樵青掃徑苔

和答福建提學憲副羅明仲舊寅長

蕉鹿當年亦漫驚
肯將家學負平生
六經藥我蒼顏在
萬古行天白日明
多病一塵初去國
幾人三館舊同盟
春風桃李閩南路
誰道黃金不可成

二月廿八日呂侍御惠新歷

春風疑不到山城兩月陰無幾日晴玉扈初分試披檢
已驚時節近清明

題黃文敬杏林卷

文敬素善
勒銘鉅梓

青囊一卷鬢成絲鐵筆當年更得師我已廢書仍抱病
為君聊續杏林詩

清明日喜堽子至自南山

四度清明節今年覺更輕杏花春雨後喜雨到山城

上巳日修禊南山溪上限韻

一瓢春酒勝雕胡聊與山陰續舊圖臨水坐分盤石淨
倚天吟望玉峯孤風飄花片隨芒屨火引松枝沸竹爐
待取日斜觴詠足錦囊收拾付奚奴

三月九日南山小酌限韻

幾客東來踏晚春桃花零落菜花新情知策蹇尋芳好
不奈鳴鳩喚雨頻歲稔已能占社主我愚真可辱溪神
他時記取桑榆約交誼惟應此最親

堦子與塏姪採松花作餅供茶喜而成詠

何物山房可薦茶小兒特意採松花回風隨粉霑衣袖
宿露分甘入齒牙却老異方傳藥圃動人清味落詩家
牆根玉筍堪同調公餽侯鯖莫浪誇

望夜獨坐書院有懷時承之還歛天爵入城敬
之還汉口師魯還率口逸清訪彥夫子祁門

月上前山久懷人坐夜深亂蛙鳴暗浦一獬呌空林野
屐東西慣塵編歲月侵獨餘窓下竹能識箇中心

新得北山別墅志喜

幾年儲却草堂賢一日溪行偶得之種竹何人先為我
見山隨處總宜詩松林便取斜開徑石瀨仍分曲度池
塵鞅自今應不到往來樵牧是心知

南山夜酌分題限韻得藝清香

夜榻沈沈竹院西小童添火試金猊幾回濃抹書燈暗
一縷輕縈紙帳低自覺餘香來楚畹誰分新味出曹溪
山居忽記芸臺上寶篆曾容滿袖攜

贈世醫詹宗惠

抱疾經年體漸平喜君醫社得尋盟參苓屢奏千金效
桑梓能敦百世情先老衣冠誇種德尚方供奉待知名
早衰愧乏河東筆佳傳無由紀宋清

休寧詹氏世以醫授官至宗惠君益脩其業持善輕
利人以為良顧與予往還甚稔予病君藥之屢奏功
近孱子病足君復來鍼之而痛立愈予方德君君乃
欲予之詩予詩豈足當君之惠哉

早行過岳廟聞鐘

子規啼徹曙光分
岳廟鐘聲隔隕聞
白髮願隨鴻慶主
雲中一候武夷君

刑部郎中柳陽何君審刑江南過新安贈別

當宁憂深及草萊
西曹經歲走塵埃
欽哉法意尊虞典
籍甚文名冠楚材
一路馬隨明月去
九天恩逐惠風來
清時壯節誰同調
側耳聽君上省臺

三月廿一日約人遊松蘿

往返得詩八篇

一晴山與水爭奇
莫道春殘賞約遲
正得落紅飛絮後

松風蘿月澹相宜

早過石羊干

穠綠連村麥氣殷
野塘春水更潺潺
桐花似雪明深塢
松骨如龍起半山
鳥勸情農飛谷口
犬驚生客蹕林間
石羊廢籠魚懷古
消得浮生幾醉顏

涉溪作

飛瀨淙淙觸澗流
十年重到北山遊
林花過眼堆紅雪
泉石迎人笑白頭
迥隔世緣千嶂合
盡收風景一亭幽

纓塵此日無堪濯隨處滄浪看飲牛

松蘿菴視田作

百畝田廬未就荒隨緣仍得舊僧房
斲苓擬結千年社養竹同分五月涼
奔走半生今尚健登臨長嘯古誰狂
東風似識遊人意忽送幽蘭幾陣香

登山聯句

司訓黃倫貢士趙旭布衣詹貴胡昭族人正思

山腰同坐看雲生

敏政

袖拂長松醉眼明

倫

天地有情

客我輩

旭

古今無計避詩名

昭

丁丁隔壠聞樵斧

正思

默默何人對石枰貴多病不禁空翠濕敏政振衣猶自

履崢嶸倫

席上限韻

野寺重來跡未陳一尊同此惜餘春
煙中杵臼蓬壺近雨後溪山卷畫新
客縱好懷催令急天分奇料入詩頻
晚歸無帶堪留鎮却愧當年玉署人

飲汪氏亭子調黃司訓汝彞

攬勝歸來日未晡汪家亭子更開壺
老人土味留賓客

博士山裝累僕夫半醉擬憑溪上石一餐思摘澗中蒲
相攜欲借龍眠手繪作春風野宴圖

歸路

盡日長松亂石間不知身帶夕陽還耳邊何用閒絲竹
一路谿聲送出山

餘興

半日登遊興未闌晚山凝綠更宜看少年突馬春沙細
老子呼牛夕照殘今我却能銷酒券幾人猶未了詩丸

笑談一任漁樵怪此樂平生亦自難

與謝子期閒步至北山莊作

與客尋源過石梁水車遙認北山莊
鷗邊一陣東風起吹落桐花滿澗香

歙溪道中

私稻青青小麥黃一村茅屋枕方塘
家家緝苧車聲響不道幽風在故鄉

送甘同守入賀聖節兼有考績之行

敬祝堯年上帝州凌晨振鼓發官舟沿谿雪漲經梅雨
壓隴雲黃動麥秋漢史久應書上考渭城何必換新謳
西風屈指迎歸旆竹馬歡聲郭外樓

四月六日遊水西喚渡時太愚都綱騎馬徑涉
意氣甚都戲作一絕

與客呼舟立水涯小童輕櫂下灘遲他時有約來山寺
只問支郎借馬騎

水西寺與鄭寧時清鄭鵬萬里二上舍聯句三

首

十年重到水西遊

篁墩

碎月灘深泛小舟
寧擔重乾坤

肩少息

鵲

盟全鷗鷺社初投

篁墩

紗籠舊日題詩壁
寧

壺注薰風勸酒籌

鵲

庭下木蘭花未老

篁墩

儘拚佳景

付賡酬

寧

追陪冠蓋訪招提

寧

隔斷紅塵水一溪

鵲

青草散遙支

遁馬

篁墩

綠苔深護謫仙題

寧

簷前鳥奏笙簧巧

鵲

天

外峯攢劔戟齊

篁墩

景物自淹行樂地

寧

嘯歌須待日

沈西鵬

酒為傷多苦憶茶

鵬

一時乘興到僧家

篁墩

竹雞唱午

炊烟起寧草履梯雲石徑斜

鵬

入坐好山如舊識

篁墩

漲溪新水走長蛇
寧包收天地
雙眸裏
鵬憑仗畊牛與

釣槎
篁墩

郡守李公請宴譙樓上四首

畫棟輦飛練水潯郡侯相約此登臨
烟雲變態吾詩壯
田野薰風俗化深
綠酒難醫雙鬢改
青山不受一塵侵

危闌倚遍渾忘倦白日悠悠下嶺岑

白苧衣輕雨乍收偶來乘興一登樓不知身在空中坐
但覺雲從脚下流附郭誰開新綠野隔溪人指舊丹丘
謫仙詩墨今何在想像騎鯨汗漫遊

城頭高閣俯塵囂勝會真輸此一朝上瀨數帆時隱顯
倚天孤塔自岿然詩緣闢景如相避酒為傷多不肯消
何物道人吹道曲便疑笙鶴下青霄

向晚軒窓面面開要貪空翠入詩來乾坤俯仰斯文會

江漢風流不世才
燈下矢聲嚴細柳
雲中烟火認蓬萊
主人意洽忘歸去
聽報更籤第一回

過鄭村訪鄭上舍
萬里觀伊川
晦菴南軒東萊
四先生手帖

冒雨出城郭
沿谿到林垞
窅然竹扉下
容我雙屐停
侶
鄭公孫老大橫
一經笑言有宿約
雞黍羅中庭
家藏古賢帖
往往飛晶瑩
呼童拂淨几
出示驚繁星
我家龍門翁
手澤餘丹青
鄉先紫陽老
心畫流風霆
廣漢與金

華同然發天馨錯落數十言俛仰三百齡感茲道德師
羞彼月露形與客再拜觀虹光薄巖扃桑海幾變更幸
不隨飄零無乃希世珍保護煩六丁我欲勸主人勒石
垂新銘歛卷付錦囊入坐開銀餅霏談雜今古高詠慙
和鈴好風自南來吹我醉面醒歸心浩難遏返照明皋
亭衆賓起相送曠目凌高冥點峯遠矗矗沙溪下泠泠
典刑未繇邈題詩慰山靈

宋理宗賜福王與芮雪景為鄭村汪宗裕題

瑤峯玉樹瑤坡寶祐墨本來宣和天山羝乳紇干雀
此景此意將如何御筆中題福王字生綃上遣龍圖志
鳳山日永萬機輕廊廟幾人同受賜天人想像冰雪顏
好文亦自非等閒詔書屢表瀛洛輩詞翰却在陳隋間
三百年來驚物換散落塵寰充一玩摩挲為賦懷古篇
安得虹光射霄漢

謝致政汪世行令君惠塘魚山蕨

巖鱗相餽若為酬正值噉噉麥未秋一飯等為林下客

寸心空切廟堂憂

車田村見摘紅花者時汪九珏侍行書以畀之
獨樹村中石徑斜杖藜閒叩野人家臨風忽作東籬興
錯認紅花是菊花

題扇贈智亨鄭隱君

紅杏飄香過水村路人爭識鄭公孫年來抱病無虛日
請藥翻嫌數叩門

和答李太守禱祈十日晴有驗

夜壇祈罷曉開晴似與天公有宿盟驚道一旬回白日
可知方寸為蒼生新秧蒔處期秋稔殘麥收來足歲耕
喜極載賡循吏句田翁相慰不勝情

題溪南吳本忠小景

竹裏柴門傍水開了無人跡破蒼苔延陵有客溪南住
時挈春醪問字來

四景樂道辭

浪陶沙

春雨夜如何花靨紅多窓前黃鳥數聲過斜掛氍毹衣初

睡起日上庭柯 人世苦奔波兩鬢霜皤爭如溪上理
漁蓑笑問東風來幾陣酒滿香螺


竹院好風涼洗盡炎光呼童閒試水沈香數卷南華看
未了且困藤床 官道暗塵黃四體流漿可能知有翠
寒堂儘日茶瓜留客坐一調滄浪

秋意到郊亭水褪沙汀金莖香瀉甕頭青柱杖西疇看
稻了細檢丹經 蒲柳最先零義馭難停舊時交友似
晨星惟有黃花開更好多謝園丁

庭滿凍苔斑農事都閒尖風不到水雲間
曝背茅簷調鶴舞一任疎頑
名利幾人還雪擁關山金丹留我鏡
中顏起索梅花同一笑緊閉柴關

堂前梅樹忽一枝生入厨簷

金丸無數綴烟梢調鼎何緣列上有似便主人
藟菜腹一枝低趣入山庖



篁墩文集卷八十六